


Oz è il Di mundial
dal chaun

Bella

Luppo

Filu

Rex



OCTOBER

text: Chatriina Josty, illustraziun: Yvonne Gianol,
grafica: Theres Jögger, fotografia: Jörgen-Staus
© Lia Rumantscha

KIDSFITSCHE
Lia Rumantscha

Il Di mundial dal chaun

Qua vegn il di per Lupo! Il Di mundial dal chaun duain ils umans dir grazia als chauns per tut quai ch'els fan per els. E Lupo ans fa bain buna luna. Per quai ha el merità ina liongia! U forse era duas.

Tgi che ha gù l'idea da declerar ils 10 d'october sco Di mundial dal chaun na san ins betg. Sper quel di datti anc blers auters dis en onur dals chauns. En Germania è il 1. da zercladur il Di dal chaun, en ils Stadis Unids è ils 26 d'avust il «National Dog Day». En il center stattan adina ils chauns. Els che lavuran era quel di per nus umans. Sco per exempel ils chauns da polizia, ils chauns da lavinas u ils chauns che protegian las nursas. Auters chauns accumpognan

persunas tschorvas, surveglian bains purils e chasas u èn simplamain buns cumpogns per grond e pitschen. Ins di: il chaun è il meglier ami da l'uman. E quest meglier ami ha bain merità ina pitschna pausa e forse in regal in ch'ins al pudess gist far ils 10 d'october. Tge pudessas ti far per tes chaun, sche ti has in, u per il chaun da la vischina? Forse ina spassegiada extra lunga? U in gieu cun ina balla? U forse al dar ina liongia? U duas?

San chauns patratgar?



Has ti u ha insatgi en tia vischinanza in chaun?
Co ha el num?
Tge character ha quel chaun?



Enconuschas ti intginas razzas da chauns?



Zambregia tes agen chaun!


1

Ti dovras:

- rollas da chartun (p. ex. rollas da palpiri da tualetta)
- differentas colurs dad aua u da gouache
- palpiri da color
- eglis cun pupilla movibla
- corda u launa
- in romet
- bavrolas da chartun, cucuns da buttiglias da vin ubain viertgels da buttiglias da PET
- penels
- ina forsch
- ina gronda guglia da launa
- colla
- gasetta per cuvrir la maisa





vau vau



text: Charina Josty, illustraziun: Yvonne Cienal,
grafica: Theres Jönger, fotografia: Jörgen-Staus
© Lia Rumantscha

KIDSFITSCH
Lia Rumantscha

Cuas













2



Ureglias

Tge ureglias ha
tes chaun? Tscherna
in pèr!



- 1 Ponderescha co che tes chaun duai vesair or. Vuls ti far in pudel, in dalmatin u in chaun da fantasia? Prenda trais rollas da chartun e colurescha ellas cun la color dal pail da tes chaun.
- 2 Ina rolla da chartun è per il corp. Co vesa or il corp da tes chaun? Ha el flatgs, puncts u è el tut d'ina color? Colurescha il corp sco che ti al imagineschas u taglia ora furmas dad in palpieri da color e las tatga sin il corp.
- 3 La segunda rolla da chartun è per il chau. Taglia giu da questa rolla in ur da circa 2 cm. Co vesa or il chau da tes chaun? Decorescha el tenor tes gust.
- 4 Taglia dapart per lung la terza rolla da chartun. Ponderescha tge ureglias che tes chaun duai avair. Èn sias ureglias gizzas u radundas? Stattan ellas dretg si u pendan ellas? Èn ellas grondas u pitschnas? Tscherna in pèr ureglias e taglia or ellas dal chartun. Taglia er or ina cua.

1



2



3



4



- 5 Fora cun agid d'ina forsch quatter rusnas en la part sut dal corp.
- 6 Prenda la corda e taglia giu dus tocs pli lungs per las chommas davant e las chommas davos. Prenda per mintga chomma ina bavrola tagliada permez e tira tras la corda. Cun ina guglia da launa vai meglier da trair las cordas tras las rusnas. Sutvart fas ti mintgamai in nuf.
- Las pattas pos ti era far cun vier-tgels da buttiglias da PET u cun in cucun taglià en quatter tocs.
- Forsa has ti in'atgna idea co far las pattas?

- 7 Fora ussa duas rusnas en la part sura dal corp. Er en il chau fas ti duas rusnas; ina sutvart tar il culiez ed ina survart tranter las ureglias.
- 8 Prenda ina corda e tira ella tras il corp. Per fixar il chau fas ti in nuf en la corda. Enfila la corda tras il chau.


5



6



7



8



- 9 Lia ussa tes chaun vi dal romet.
 10 Tatga si las ureglias, ils egls e la cua.
 11 Ussa pos ti ir a spass cun tes chaun!

9




10



11



Co ha tes chaun num?
Trametta ina fotografia da tes chaun
per nossa gallaria da chauns sin
kidsfits@rumantsch.ch.



text: Chatriina Josty, illustraziun: Yvonne Cienal,
grafica: Theres Jörger, fotografia: Jörger-Staus
© Lia Rumantscha

KIDSFITSCH
Lia Rumantscha